

佛山忠義鄉志卷十一

鄉事志 編年

起明洪武三年迄民國十一年

鄉事卽大事記原本龍門各志因之其表以旁行斜上爲率究非紀事正式紫陽綱目要例凡四曰首歲以紀年而因年以著統大書以提要而分注以備言爲通史不易成法志如通史例得倣行舊志用直表有綱有目較他志稱善惟自道光庚寅至今將近百年事變諸多其大者以紅巾踞佛洋兵入境兩事爲至要光宣之交廷議立憲多所制置逮入民國頻遭喪亂吾鄉實當其衝雖獲安全而楮柱維持端資羣策他如災祲水旱及天象示變人事遞嬗凡有關於吾鄉者皆當遠紹旁按俾成信史抑志有年表猶史有年紀斷代爲史故以本紀冠全書志屬輿地故年表在後

佛山忠義鄉志卷十一

鄉事 序例

地志山川風土及諸建置皆在輿地範圍職官選舉亦建置也人物藝文後起者也金石藝文之附庸也有年表則諸

志有統匯又編次之大意也今遵紫陽義例續編成志事在道光庚寅以前悉如其舊庚寅以後擇其有可徵信者次第書之未敢仰參筆削亦惟先民是程爾書名鄉志故以鄉事名篇仍舊貫也年經事緯歷史胥同識大識小用備折衷作鄉事志第十一

按鄉之成聚相傳肇於汴宋沿至元末已數百年而事遠年湮茫無可考今斷自明始從信也

陳志

明

庚洪武三年詔民間立社學

鄉各社學疑皆建於是時

壬子五年鄉人趙仲脩復建北帝廟

碑記在祠祀志

元末龍潭賊寇本鄉艦舟汾水之岸眾禱於神卽烈風雷電覆溺賊舟者過半俄賊用妖術誦廟僧以穢物汚廟遂入境剽掠焚毀廟宇以洩兇忿不數日僧遭惡死賊亦敗亡至是復建鄉人稱之爲祖廟



辛二十四年大毀寺觀鄉毀塔坡寺

己宣德四年重脩北帝廟梁文縉倡捐有記

丙正統元年鑿北帝廟前灌花池梁文縉霍佛兒捐地一百二十步植梧桐波羅蜜二樹於池旁

壬七年巡按張善給往省渡船二隻量取賃租供北帝廟香火

己十四年海賊黃蕭養遣其黨攻圍本鄉鄉人梁廣等率眾敗之

賊遁去

是役也北帝神屢示威靈賊恐怖無策遂大敗斬獲千餘級布政使揭稽以事聞詳祠祀志

按網用大書目用分注此紫陽舊例網內有注與分注同日內之注與正文相連者上下用半弧為識或注在目後則空一格以別於本文仍排勻齊脚遇單數則次行減一字參用通鑑輯覽

壬景泰三年詔以北帝廟為靈應祠佛山堡為忠義鄉旌賞忠義

佛山忠義鄉志卷十一 鄉事 二

士梁廣等二十二人

癸四年禮部頒諭祭靈應祠祀典劄付四百二十四號詳祠祀門

辛天順五年饑知縣到鄉給賑

壬宏治五年颶風大水失潮普君墟可乘船通鄉惟高地不浸故稱高地

丙九年洗光登進士時遷居順德縣之鷺洲

癸正德八年重脩靈應祠建牌樓三門增鑿錦香池於灌花池右霍時貴倡捐

按重脩廟宇惟官祀書民祀非創建不書其重修年份另詳祠祀志

建流芳祠祀忠義官梁廣等二十二人

按舊志與重脩靈應祠併為一條事屬鼎建應自為一綱以昭隆重

甲九年梁焯登進士住社亭舖

午 嘉靖元年提學魏校毀淫祠改建社學

本鄉所毀甚多改建蒙養各社學後洗主事桂奇記其事載教育志及縣志

乙未 十四年洗桂奇登進士 住潘涌舖之鶴園

辛丑 二十年陳善登進士 住社亭舖朱紫市

庚戌 二十九年岑遠登進士 住石路舖石路頭

壬子 三十一年建靈應祠前石照壁 石上刻花龍道士蘇澄輝募

癸丑 三十二年大饑主事洗桂奇出粟賑粥為富人倡鄉賴以濟 詳世濟忠義記

世濟忠義記

己未 三十八年脩通濟橋 深村堡進士霍與瑕捐脩

乙丑 四十四年行軍籍法 時鄉之軍戶凡三易供狀而後定

戊辰 隆慶二年重脩通濟橋 深村堡霍隆捐脩隆即與瑕世父

佛山忠義鄉志卷十一 鄉事 三

辛巳 萬曆九年行清丈法

時知縣周文卿以原額不足每畝加派二分名為定弓民不堪命至十二年量減三釐六毫猶徵一分六釐四毫四十四年鄉尚書李待問率眾籲懇始議將香山等縣新陞沙田移抵定弓虛耗至雍正八年以各縣移抵有弊題請豁免

脩通濟橋 知縣周文卿捐貲倡脩

按周文卿加定弓虛稅為一邑累乃屑屑於一橋之脩豈欲以此謝過耶抑狹矣 陳志

丙申 二十年大饑鄉人捐粟賑濟

戊戌 二十六年柵下細晚市放煙花遊人擠擁踐死七十二人

甲辰 三十一年李待問登進士 住嶼岐舖高巷

乙巳 三十二年脩靈應祠門樓 經歷李好問同弟待問捐脩

丙午 三十三年文明靈應祠祭業共實稅六十八畝

庚戌 三十七年洗憲祖登進士 侍郎光元孫

誅盜黃在明

在明結黨踞沐恩社肆行劫掠鄉人報官計擒之斃於獄後建忠義營即盜所踞地也

甲寅 四十二年設忠義營

李待問以郎中歸里倡議立營以捍鄉土兵食出自鄉之門攤爐燭銀一百七十兩

戊午 四十五年鄉主事梁日孚入鄉賢祠

壬戌 天啟二年縣拘刁橫工匠治以罪

是年九月九日炒鑄七行工匠糾眾狂謀借清復靈應祠地為名先拆祠前照壁隨毀民廬奸不可測知縣羅萬爵出示安民計擒為首者重懲始各解散

癸亥 三年靈應祠前池加築拱橋

以所拆照壁石為之經歷李徵問同弟總漕待問捐貲重脩

丁卯 七年脩崇正社學

建鄉仕會館

即鄉仕祠廡景忠有記

佛山忠義鄉志卷十一 鄉事 四

改建塔坡古寺

改地於醫靈舖左巷廣東通志載古蹟門

戊辰 崇禎元年詔團鄉兵

鄉則員外郎李陞問總其事以郡邑幣請也各舖有鄉夫自此始

癸酉 六年築汾水柵下水閘

知縣黃熙印督築

縣拘刁橫鍋匠柴工治以罪

耳鍋匠并鋸柴工與諸爐戶鬩爭毀陳達遠房屋拿獲責究

甲戌 七年脩往省大路

尙書李待問主事龐景忠同捐脩有記

乙亥 八年脩靈應祠改塑神像

署丞李敬問捐脩

庚辰 十三年增築汾水柵下水閘

辛巳 十四年大脩靈應祠復築照壁

尙書李待問捐脩

壬午 十五年建文昌書院

在明心舖尙書李待問捐建

癸未 十六年大水鄉田半收

清

崇禎十七年三月十九日闖賊李自成陷京師莊烈帝殉國清世祖率兵入關戡定寇亂遂為順治元年 舊志

按春秋傳以支干紀日諸史並同綱目惟日月蝕用支干餘月而不日志書從之有應書日者照曆書以數紀從所

習也

乙酉 順治二年奉鄉尚書李忠定公像附祀於文昌書院之後寢

丙戌 三年禁隣堡張槎田心開涌 有告示碑記見鄉禁志

丁亥 四年通判屠彪到鄉駐防 本鄉有駐防官自此始

時有黃頭賊數百襲殺田營官折毀忠義營大為鄉患鄉人協力討之殺賊一百七十餘級奔報總督佟養甲大加賞異

庚寅 七年同知官玉都到鄉駐防 署在汾水舖後街

豁免忠義營兵食銀項

築省城西門 本鄉派築十五丈

佛山忠義鄉志卷十一 鄉事 五

辛卯 八年建關帝廟 在汾水正埠對岸同知官玉都倡建

壬辰 九年築沐恩社房屋 屋凡八間收賃值以供崇正社學祀事其地本忠義營營廢遂改築之

癸巳 十年春大饑斗米千錢

駐防經歷李繼美令米肆依先糴價出糴又勸富人出粟賑濟

乙未 十二年海賊流劫入柵下鄉夫擊之殺賊數十人

建龍母廟 在柵下舖

脩通濟橋 盡易以石僧圓朗募脩有記

復忠義營

以朱紫市梁祠為營房鄉夫工食出自本鄉後數年又廢

按輯覽敘事或於初見一條備言其終或於最後一條追敘其始仍用先是至是及是初字尋字等文以清眉目惟

一事而前後相因仍分年紀之凡此諸例亦本荀悅漢紀

丁酉十四年脩靈應祠香亭

戊戌十五年建華封戲臺在靈應祠前

壬寅康熙元年建忠義鄉約在祖廟舖左巷

癸卯二年海賊流劫本鄉鄉夫擊敗之

時賊銳甚鄉夫一戰傷其旗手賊遂惶亂退走又隣鄉石碓被劫鄉夫往救擊殺賊數十人石碓獲安

甲辰三年設保甲給門牌時經歷周汝斌駐防

五斗口司巡檢到鄉駐劄原駐平洲堡

脩醫靈廟

癸丑十二年建田心文昌書院在山紫舖觀音廟左僑籍人士合建

戊午十七年林開春領鄉薦第一住柵下舖原潮州人

甲子二十三年脩靈應祠

佛山忠義鄉志卷十一 鄉事 六

清

建聖樂宮在靈應祠左

乙丑二十四年脩崇正社學

庚辰三十九年何肇宗登進士住觀音堂舖原番禺縣人

癸未四十二年定崇正社學課期龐上梓記

壬辰五十一年官誅劇賊甘鰲賓

鰲賓以積賊受撫委為佛山練總聚黨數百人驕恣殘暴奸謀叵測按察使武廷适廉知之計誘至省立斃杖下賊黨悉散

癸巳五十二年春穀貴給賑饑民

時富室有被掠者縣擒為首者治罪

建洞天宮大慈堂

是年饑野多無祀木主因建大慈堂於萬真觀右拾而祀之後以眾怪顯現改萬真觀為洞天宮奉城隍神以鎮之鄉有城隍

行臺始此

甲午五十三年脩田心書院左必蕃有記

戊五十七年禁越派脩基圍有示見鄉禁志

庚五十九年脩復靈應祠牌坊

官定靈應祠廟舖有示見鄉禁志

癸雍正元年禁天主教鄉毀天主堂

定每歲月朔望紳耆士民畢集崇正社學外大魁堂宣講康熙聖諭廣訓十六條

按朔望宣講聖諭卽三代懸書讀灑遺意舊志編列在洪武年前次序不合今移置康熙朝後雖典已久廢存之以備後之考鏡者

濬復旗帶水長四百六十餘丈圖說載卷首

丁五年譚會海登進士在福德舖福祿里

巳七年設約正鄉推貢生區廷輝

佛山忠義鄉志卷十一 鄉事 七

撥靈應祠租給流芳祠歲祀有記見鄉禁志

辛九年官定正埠租息有示見鄉禁志

癸十一年添設佛山同知復移五斗口司巡檢於平洲堡尋回佛山舊志

霍作明登進士遷居三水縣

丙乾隆元年恩科鄉試談德領鄉薦第一住福德舖原平洲堡人

巳四年龐遙登進士遷居省城五仙門內水母灣

建八圖祖祠知縣魏維有記據鄉俗志補今隸氏族志祠堂類

庚五年官禁侵蝕靈應祠租紳士與里排互控給示各紳立石見鄉禁志

辛六年陳炎宗領鄉薦第一住耆老舖金魚塘

壬七年建文塔一稱文昌閣在棚下舖海口有記

甲九年建汾江義學在棚下舖有記

乙丑十年錦香池懸燈遊人擠擁柵圯壓死童子七人

戊辰十三年陳炎宗登進士

庚午十五年脩關帝廟馬頭在汾水正埠對岸

丙子二十一年脩汾江義學同知祖承紹撰記

戊寅二十二年饑開社倉設賑

巡檢王棠理其事各官捐廉闔鎮義助先碾倉穀不敷陸續買穀以賑

官禁春秋諭祭頌里排昨有示見鄉禁志

己卯二十四年脩流芳祠巡檢王棠為記

脩靈應祠陳炎宗為記

福祿里災延燒四十餘舖

壬午二十七年脩靈應祠同知趙廷賓有記

癸未二十八年陳其焜登進士住耆老舖金魚塘

撥靈應祠租給崇正社學課文

佛山忠義鄉志卷十一 鄉事 八

課費向取給於廟前兩廊小舖租息以脩廟拆去小舖故將廟租撥給同知沈生遊里人陳炎宗均有記

丁亥三十三年顏料行會館演戲失火斃數百人即其地建旅食祠

以妥之在南擊後街里人陳炎宗有記

戊子三十三年福祿里災延燒五十餘舖

建平政橋於鄉之柵下深村登洲甘溪石碛四堡同建

丙申四十一年官誅劇賊鬆糕新時舉人姚光國被劫呈官追捕就擒戮之鄉賴以安

戊戌四十三年饑借碾十堡倉穀開賑官紳俱有捐助巡檢王棠經理其事

福祿里災延燒五十餘舖

辛丑四十六年脩汾江義學講堂霍超士有記

乙巳五十年禁硝廠示在鄉禁志

時奸商李潤漢馮煥與書役通事在必成舉人區宏緒勞渾上控委員踏勘祖商總督孫悉其詐仰司押拆免淤塞水潦之患

有示見
鄉禁志

丙五十五年饑抽鄉內舖租二十份之一糴穀以賑知府張道源
倡捐俸銀五百兩賑務立辦

始設小押

時有湖南武生區在賢充軍至鄉出其貲以押物件名曰收買
舊料實探貧民緩急而賸削之迄今益多鄉有小押自此始

丁五十二年饑連年歉收仍做上年捐賑

戊五十二年脩經堂同知葉汝蘭有記

庚五十五年定正埠小舖租額撥入義倉載義倉總錄

設敬字亭有碑記

設拾嬰會

拾嬰之舉在乾隆丙午丁未間鄉遭饑僅遺嬰滿路紳士捐銀
置產以產息僱人拾送省育嬰堂歲以為常嘉慶十七年將產
租撥入義倉自後拾嬰者皆在義倉支給工銀嬰兒不至夭札有記

佛山忠義鄉志卷十一 鄉事 九

壬五十七年稟官清庄瘞無主棺百餘具於義塚義塚詳
慈善志

建樓丐園在祖廟舖樓觀
里詳慈善志

乙六十年建義倉在豐寧舖
麟社

由舉人李天達等稟請創建嘉
慶二年立石有案詳慈善志

饑仍做丙午丁未年章程設賑同知王宿善知縣李標巡
檢柳因林各捐俸以倡

丙嘉慶元年脩靈應祠建慶真樓以崇祀帝親有記見
祠祀志

李可端登進士住觀音
堂舖

丁二年以脩廟餘銀置渡船出租廣義倉儲穀有碑示在
鄉禁志

己四年總督覺羅吉撥給充公項銀二千二百一十八兩有奇置

產為田心書院會文之費紳士勞淳吳昆同陳維屏
等聯呈請給故有是舉

復鄉飲酒禮頒耆胙

每歲十一月二十四日在崇正社學舉行以鄉中年高有
德行者充正賓其次為介賓年登七十者是日咸與焉

吳榮光登進士

任觀音堂舖

庚申五年脩田心書院

勞灌有記

壬戌七年李可蕃登進士

可端胞弟

遷汾江義學改建佛山書院於同知署左

每歲撥田心書院租息銀四十兩為生童膏伙同知楊楷遷改有記

甲子九年禁番攤賭館

有告示見鄉禁志

乙丑十年李可瓊登進士

可端胞弟可蕃胞兄

安寧里太上廟演戲失火斃二十二人

丙寅十一年饑開倉賑

丁卯十二年福祿里災延燒百餘舖

鄉置洋式水櫃自此始

戊辰十三年各舖開太平井於道旁

己巳十四年饑復賑

佛山忠義鄉志卷十一 鄉事

十一

秋洋盜入瀾石焚劫鄉人設防

時將逼鄉界鄉建礮臺水閘備禦前同知楊楷請於總督百給兵親帶至鄉防堵賊遠遁鄉賴以安

庚午十五年申明保甲法

時總督委員至鄉戶列門牌每十戶推一人為甲長以稽查焉

禁強丐 舉人黃浩一等稟巡撫韓給示勒石豎於正埠馬頭

壬申十七年生堂拾嬰會勒石撥租歸義倉管理

會銀只十一二員不敷經費以

義倉餘銀支給

甲戌二十年脩大灣石路

路泥滑不便行旅前署都司蘇兆熊捐俸脩之

丙子二十一年清庄增置義塚

有記載慈善志

丁丑二十二年大水脩孖寶水閘

孖寶即新涌口大寶詳基圍圖說

潘光岳登進士

任福德舖

重建敦本社學

已卯二十四年夏大雨雹壞民房甚多

脩對海關帝廟馬頭義倉動支公項銀一千三百兩有奇至庚辰二月竣工

脩佛山書院同知王繼嘉有記

新填地演戲失火斃二十有五人都司蘇兆熊親督工人撈瘞設降魔柱以壓之

辛巳道光元年靈應祠神回廟醮棚火斃六十餘人

錦香池中醮會棚失火池後路甚寬而眾於戲臺旁兩門爭出互擠而斃

清涌里人吳榮光有記

甲申四年官誅奸民劉亞添張有等餘治以罪

時奸民藉雨澤愆期鼓眾求賑先毀大家房屋次及巡檢署同知署知縣章埏帶兵至擒為首者正法餘治以罪鄉獲安堵倉務亦賴以整頓見洗

沂傳據吳志參脩

乙酉五年脩柵下海口文塔建財神廟築往礮臺大路脩文塔有記

清涌工竣縣給斷買蔗園估築田畝准修復官路官埠文塔前橫水渡有告示見鄉禁志

佛山忠義鄉志卷十一 鄉事 十二

丙戌六年靈應祠撥租葬無主古柩二十九具於大墓岡義塚

清釐靈應祠廟產

靈應祠產業向因移建佛山書院并堵禦洋匪廟前回祿及歷來值事不能撙節至將舖店按去銀一千二百餘兩又賒欠各項銀四百餘兩已收未供會銀二百餘兩丙戌年清涌捐項不敷吳鳳髦倡議合會銀二百兩奏用以廟租遞年供還會眾以無人擔承會本恐難收回猶豫未允於是公推先沂吳鳳髦總理廟事稽出入省費用俾供會項嗣既清欠完會後己丑年底復合會銀一千兩并歷年餘銀贖回前按舖店靈應祠產業復其舊焉

丙戌六年禁搭蓋佔築涌河官埠官路示在鄉禁志

丁亥七年築大塘涌石路陳偉文等倡建據采訪冊補別見慈善志

己丑九年修田心書院有記載教育志

修大魁堂

大水各基圍幾陷

隣鄉大富等以防基請鄉量助之水退加築圍基

庚寅十年禁拆賣祠墓示載鄉志

加增田心書院會文獎賞

里人吳榮光請於總督李巡撫盧將上年查封鄉中賭博入官房產五所撥給田心書院出租總督李復捐銀一千兩置產收租將兩項每歲租息以為田心書院會文加獎之費

以上據舊志參修

辛卯十一年夏饑義倉開賑

放賑五十四日大小丁四萬八千七百餘口出穀一百一十六萬零一百斤賑章載義倉總錄

冬雨雪

粵在服嶺以南寒極則積水成冰而無雪有雪自此始蓋地氣自北而南矣自是年至光緒十八年大雪四次不備書

脩十堡社倉事詳慈善志

癸巳十三年吳林光登進士榮光弟

李可瓊梁啟興築南順通津石路

佛山忠義鄉志卷十一 鄉事 十三

乙未十五年清溶佛山河道

是年十一月初五日丑時經始至十六年三月十五日工竣在事諸人得獎有差載輿地志清沙策

丙申十六年駱秉章登進士原籍花縣住福德舖

己亥十九年總督林則徐禁鴉片據同治縣志

鴉片即鴉粟又名阿芙蓉產自印度明永樂間始入中國其初以洋藥為名稅則甚輕漸而吸食者眾英人操其利權屯積於廣州十三行洋關收入亦以此為大宗及是嚴申禁令以林則徐為欽差大臣授兩廣總督赴粵查辦至則圍十三行撥繳鴉片盡銷燬之絕其互市與各國約不准販運入口違者船貨充公人即正法英商義律以通商為彼國命脈又將人正法立例太酷不畫押則徐堅持無轉圓義律以此家不破外國無立足之地遂率洋船犯虎門不得逞既而東犯福建閩督鄧廷楨沈其二艘又犯浙江陷定海入長江直抵金陵城下朝廷倉猝議和許以五口通商賠償煙價數百萬林則徐亦遣戍伊犁鴉片遂不可復禁逮光緒之季與英人立約禁運禁種甫有成議而革命軍起各省有藉以濟餉者外人以我國紛擾未寧亦不復過問蓋劫數未盡非人力所能驟為回挽也

據道光縣志夷艘寇海記及近年邸報參脩
按魏氏夷艘寇海記載禁煙一案當日有七轉機則徐持

之夷懼逼遂至決裂而不可收拾其持論不爲無因然不能執以咎林公也禁煙之舉爲各國所公認而英人反覆無常既不得逞於廣東勢必沿海騷擾誠使疆臣嚴加戒備斷其接濟不出數月可以制其死命不此之務惟是必使覘覘務求敷衍安得而不敗哉論者以定海不守爲門庭之憂不知此島孤懸海外與大局無甚關係兵法能棄而後能取乃因此牽動異議紛騰亦庸人之自擾耳至將林公革職遣戍天下事遂不可問矣聞撫議成某相長隨私詣洋棧道喜其會蹙然曰林公總是个好督撫有血性只是不諳我各國情形耳我等爲通商而來非爲林公也一般漢奸能無愧死方是時民氣勃發吾粵三元里之役震懾羣醜沿海一帶結團敵愾者亦復不少夷兵自閩犯

佛山忠義鄉志卷十一

鄉事

三

清國

浙有洋船闖入民團番婦被困儀飾甚盛疑其爲國主有司懼怯縱使逸去與知府余葆純在三元里掖夷酋出圍無異以上並見夷艘寇海記當官者既畏敵如虎人心愈憤有百姓

怕官官怕夷鬼夷鬼怕百姓之語夫以我所怕之人而爲怕我者所不怕亦何事不可爲哉而金田鄉洪楊之亂遂由此而起是時林公已賜環在籍朝旨起令督師羣賊聞風解散巖谷間無復隻影風聲扇動至此及文忠甫薨揭竿復起其祭林公文云公在我爲民不得不爲民公死我爲王不得不爲王良堪慨歎見湖南各總之禁煙一案爲中外盛衰強弱之機關四萬萬人生死性命之所寄託義律謂此案不破外國無立足之地余亦謂此案不破我國亦無立足之地乃彼國有人而我之貪庸誤國者恬不知

恥此所以不能不太息痛恨而深為林公惜也嗚呼得失之林可以觀已

又林公辦理此案持義甚正魏氏之論未免過苛然在順治朝洪忠襄奏對早見及此操縱不同為國為民一也大事普及鄉乘宜詳故既論其事復錄洪奏如左

洪忠襄醫粟考 錄奏對日記

上曰朕聞外洋新出一種鴉片云是罌粟花之精液凝結擣鍊而成其氣薰其性欬能提神止泄辟瘴其於人也柔而善入狎而易溺久則廢時失事相依為命甚者氣弱中乾面灰齒黑何以明知其害而不之絕也對曰天生種類不害其國定害於他國非人力之所能絕也上曰罌粟花究係何物出自何方對曰罌粟花即前明李時珍本草綱目上所云阿芙蓉是也前代罕聞近方有種者至鴉片之類有三一曰公班皮色黑亦曰烏士出明雅喇一曰白皮出孟買一曰紅皮出曼喇薩皆英吉利屬國上曰此害若遺至中國將來伊於胡底不若閉關絕市拔木塞源為妙對曰西洋諸國通市者千有餘年往澳門者亦一而絕之乎盡絕則無以服其心專絕則無以善其後即使諸國盡去而瀕海數十萬眾一旦失業無以為生小則聚而為奸大

佛山忠義鄉志卷十一 鄉事 三

清國

則引以起釁東南之患自此始也就令無患而蛟門以外擇鳥為塵天津江浙閩廣之船皆得而致之又烏得而絕之哉上曰侯國家休養生息有年四海殷富金圓充塞然而天地之數散之甚易聚之甚難以中原易盡之藏填海外無窮之壑日增日益不知其極所謂無纖未之利有世世絕大之害者也朕甚憂之對曰從來風氣之先必有一人開之我朝肇基關東皆吸關東葉以避煙瘴至中原傳染日久習為故常這就是吸鴉片煙的兆頭然則為今之計亦惟明燭先幾兩利相衡則取其重兩害相較則取其輕弛禁者勢也行法者權也酌天下之勢以為權其事亦孔亟矣否則數十百年後中國之耗又復億萬所謂上中策均不可得而行制治未亂保邦未危則何不計之於早也上曰因流弊之所極反其道以用之亦是通權之一法但耗中原之地方奪天下之農功則內種蓋難對曰夫三熟之田二稻一麥稻之利八麥之利二按鴉片三月成苞收漿之後乃種早稻所妨者麥耳其實數倍於麥其益於農者大矣楚人失之而楚人得之不猶愈於夷人乎哉上曰卿何以知鴉片收成之期候對曰臣幼時在塾讀書即知外洋有一種鴉片最引人因購得阿芙蓉一種以盆養之體驗物性深思其弊上曰卿真留心時務哉對曰凡今之計惟宜著令凡內地人與夷船交易但許以貨易貨毋許以銀置買夷貨其易貨之法皆外貴我貨而內賤彼貨如嚴禁羽呢不許作為禮服時辰錶止許僕從佩帶則其勢將日賤彼貨既賤則內地賈人但以貨易之而有餘利無須以銀置買凡夷船泊海令其先行投稅官驗來貨若干給票存貯代易代買如天津登萊上海寧波廈門臺灣諸洋面出

沒去處勒兵以待之水師糧餉本倍陸營無事即使之練習獸
守嚴拏交易鴉片誠爲兩便且夷人所以專利者奇貨可居耳
夷人無所利數十年之後亦不禁而自絕若不能絕則內地之
種日多夷人之利日減迨至無利而來者鮮矣不特此也內地
所種水土和平爲害較輕絕引漸易昔淡巴菘來自呂宋食者
欲眩而內地之產則否非明徵乎明以示寬大之典陰以用轉
移之術此救弊之大權舍此而
外臣恐聖人復起亦別無上策

按忠襄此奏於鴉片之種類性質及出處可謂詳盡至以
弛禁爲言無不色然駭者然於內外交逼之時爲利害兩
衡之計莫如審勢行權徐圖消弭此弛禁之所由起也試
驗之法以罌粟三月成苞收漿之後仍可種早稻不妨兩
收其利又謂內地所種水土和平爲害較輕絕引漸易亦
足喚醒夢夢今分公白二種洋煙曰公土煙曰白公貴白
得一場兵燹劫半爲遠然而不畏行者固屬有關政體而
小氓惟利是圖一旦弛禁將併其種稻時間亦棄之而種

佛山忠義鄉志卷十一

鄉事

三

罌粟則嘉種絕矣記曰大爲之防民猶踰之況導之以利
乎此當國者所以不敢意爲張弛也且夫煙毒流行欲申
禁令非拔本塞源不可道光朝上令林文忠來粵查辦倚
任不可謂不專其時國勢尚強以文忠之賢令行禁止宜
無不可乃功敗垂成反成五口通商之局良可惜已魏默
深著論謂如文忠辦法必樞臣如林公沿海諸臣盡如林
公然後可今以隻手撐天一處有失全局皆壞雖曰氣數
豈非人謀之不臧也哉忠襄迨瞻言百里矣物極必反數
未可知光宣間嘗與各國立約申禁矣而變故迭乘竟成
廢紙種者吸者賣者較前尤甚人懷私利鄰有責言其謂
之何哉讀忠襄奏不禁感慨係之也又其論及通商以外
貴我貨內賤彼貨爲主自是通論惟今昔情勢不同貴賤

之權不能操之在我則惟有抵制之一法彼有我有謂之
抵能抵然後能制此又與鴉片弛禁相類而實不同也

庚子二十年莫以枋登進士

住觀音堂舖

建且住亭於通濟橋之南

吳爾光捐築載慈善志

二十一年英夷犯虎門省河戒嚴大吏委鎮紳鑄礮四月夷兵

至廣州踞泥城守臺兵潰夷兵燬礮臺而去

據同治縣志參脩

佛山鐵冶開天下英夷圖廣州沿海戒嚴省吏札委鄉紳梁應璣等監造八千觔大礮數尊運解至省但位置不得地勢依山者高出水面礮架亦轉運不靈四月夷兵至先破泥城繞而北俯圍城中守臺兵皆潰夷兵鈎塞礮眼毀其臺尋退去

按大礮為火攻利器咸豐初向榮圍金陵鑄大礮重逾萬
觔在雨花臺轟城毀其一角未嘗無效乃甫一發而礮身
綻裂不能復用製鍊不精故也擡礮亦中國利器而以人
為架適足為敵人的粵南之役黃德榜亦在佛山鑄擡礮

佛山忠義鄉志卷十一 鄉事 十四

清

略倣西式用火機人可一桿遂勝敵於鎮南關器非求舊
惟新信哉然兵不習將將不知兵適以資敵此又探本之
論也

戊申二十八年西潦漲八月初三夜颶風大作九月二十九夜復作

覆舟無算

同治縣志

按佛山當西北兩江之衝西江漲則受害最烈故書餘不
書

己酉二十九年倡建得所亭於岳廟舖登雲橋石路

慈善志

庚戌三十年葉炳華登進士

住石路舖

辛亥咸豐元年重脩靈應祠

癸丑三年佛山雨血

據同治縣志

甲寅四年夏六月紅巾賊起匪首陳開踞佛山十一月官軍討平之

陳開遁

陳開者三水蘊桶匠素無賴道光季年奸人立三合會聯盟惑眾洪秀全因之作亂其在粵者陳開為首黨徒以佛山為多勾結兵役有司弗能治洪逆踞金陵老賊多死來粵號召陳開遂以是年六月十一日起事在石灣大霧岡用人祭旗直入佛山以紅巾為號洪勇團丁應之分府謝効莊巡檢張金鑑方往省請兵千總黃耀吉帶印赴北江勦賊新任都司未至陳開遂踞分府署為大營分扼水陸各隘別股賊撲會垣陳開為之策應日出隊攻大滘為夾擊之計大滘守禦固賊至輒敗逆日何六固伎倖者以早出暮歸非策率隊駐石橋梁高築礮壘晝夜轟擊大滘危甚團紳歐陽銓麥佩金親詣省請發巨礮毀其壘始敗退是時兩江道梗鎮內商業皆歇仍聯團自衛緊閉柵門瓦上搭天橋以濟賊糧盡其黨神尚能勒各商助餉為坊眾所囚與之盟而釋之遂放火箭焚燒四十九街瓦礫燼望十一月初三事也會垣解圍官軍進規佛山鎮紳亦募團備戰陳開不能守率眾往廣西官軍遂於十一月十二日收復佛山餘匪悉平乃籌辦善後設團防總局委紳任之十六分局附焉除闢街道招商復業居民慶更生紅巾初起與金陵洪逆應其偽檄有遙承節鉞坐擁旌旄之語革舉老某所為事定後獲案正法陳開既走廣西擾亂數年咸豐辛酉官軍禽殺之傳首佛山勝門頭示眾何六走郴州圖與髮逆合湘軍斬之於陣和尚能亦為其黨所殺餘無漏網者據縣志湘軍志各家筆記參脩

佛山忠義鄉志卷十一

鄉事

清

按縣志載會匪起佛山先是鷹嘴沙等處入夜紛紛拜會五月以後茶樓酒肆漸多奇服異言見者驚駭會城相隔數里竟無一矢加遺釀成賊勢六月陳開踞全鎮遠近應時蠢動股數以千百計馴至水陸盤踞聲教梗阻幾及一年時爵帥葉名琛督粵日登五層樓督戰因號其樓為籌邊樓云綜斯而論事前不能解散已屬養癰迨起事數日參將王者華帶師船來佛剿辦至舖前賊舟麇集者華發礮擊沈之潰溺無算官軍登岸至文昌沙見鎮內無兵接應駛回省河時陳逆震怖欲走往投王借山朱發營發亦賊之驍者也官兵既退復堅守是役也果能長驅直進不難一鼓盪平機宜坐失鎮人至今惜之當是時賊氛遍通省延及潯梧屬城惟三水四會獨完會城西北無日不戰

俟其餉械告竭鄉團合力僅乃克之所傷實多矣顧犬補
牢豈宜再悞哉孟子曰天下之生久矣一治一亂一代之
亂必有一代撥亂之才出乎其間洪逆之亂所以造成曾
胡左李也陳逆之亂吾鄉人才正復不少雖不及湘淮之
盛而懲前毖後為國宣勤亦有足觀焉見人物志列傳

兩六年英夷自省河犯佛山至長船尾都司黃曜吉擊卻之采訪冊

是役也我兵悉伏基腳誘敵相持數日敵不敢登岸兵士憤甚其勇者躍敵船斬其酋我兵亦中礮陣亡夷船遂退

丁巳七年英夷與法合兵陷廣州擄總督葉名琛巡撫柏桂薨於署

司道以下官移駐佛山據同治縣志參脩

英夷連年犯順不得逞乃與法蘭西合兵十一月駛進省河十四日環城轟擊礮聲聞於佛山窗櫺俱震西刻觀音山忽樹英國旗兵勇惶惑四散夷兵遂由東門入城總督葉名琛被擄巡撫柏桂疽發背死兩國兵分踞粵秀山觀音閣三元宮等處衙署學宮貢院考棚俱被佔踞各官均移駐佛山傾銷打餉館及各行商亦隨之來佛商務為之一振又在佛山建考棚連考道

佛山忠義鄉志卷十一 鄉事 五

試三次士商雲集頓成繁華景象甲寅以後被燒各舖一律建復未始非吾鎮衰王之一大轉機也逾二年和議成兩國次第退兵各官回省城始復其舊

建報恩祠於田心書院之前祀道員沈棣輝分府謝効莊巡檢張

金鑑采訪冊

甲寅平定佛山有功故建祠以祀旁為義勇祠列祀陣亡弁勇以鄉勇及南順勇為多詳祠志官祀

建義烈祠於古洛涌邊都司黃曜吉捐建祀部下歿於王

己未九年改佛山書院為考棚舉行是年科歲試庚申科試

時英法踞廣州久不退鄉試院試皆停辦及是闔府人士請就佛山建考棚以便就試甲寅之亂佛山書院被毀遂因其舊址改建考棚補行科歲兩考督學使者為殷壽彭凡三駐節焉

李文田登進士順德籍住祖廟舖後遷省城

梁僧寶登進士原名思問順德籍住潘涌舖

辛酉十一年五月二十八夜彗星見紫微垣秋七月文宗崩於熱河

癸亥 同治二年七月初一風雨大作省河覆舟無算佛山近南邊界

倒塌房屋多間 據同治縣志參備

時颶風暴雨自東而南省垣當其衝樹根蓬板迷漫空中小艇有揭至山崖者為向所未有佛山當颶風之尾受害較輕自舖前以上禾田板屋亦有損傷

龍泉登進士 原籍三水住耆老舖

甲子 三年西江漲

乙丑 四年旱早稻歉收

潘衍鑿登進士 潘光岳孫

丙寅 五年脩佛山書院巡撫蔣益澧捐廉為倡

丁卯 六年巡撫蔣益澧奏請戒征廣府屬色米銀數

南海番禺每石征銀五兩八錢順德新會香山龍門每石征銀五兩五錢三水花縣清遠增城每石征銀五兩東莞從化新安新寧每石征銀八錢此外一切浮費不准加征據庚戌縣志東莞四縣銀數疑有錯漏待查

佛山忠義鄉志卷十一 鄉事 六

戊辰 七年潘衍桐登進士 衍鑿弟

庚午 九年修復村尾茶亭 載其芬有序

辛未 十年倡建樂善茶亭於城門頭外高秧地 慈善志

神仙粉謠言起 采訪冊

是年四月間訛傳製造家有神仙粉和入食品有毒傷人或取餅餌以水浸之果有小蟲現出蠕蠕無數哄傳一時麪肆茶樓多閉歇有被拆毀者豆腐為之絕市其實此微生物越宿即成腐水尤多以顯微鏡視之幾於無物不有故衛生家重火熱少見故多怪也擾擾數月地方官恐奸人借此生事示禁弗能止豐實舖沐恩社教堂因此被焚有賣菜備沿街演說為邏卒所獲斬之於長船尾謠言頓息併據五斗司科冊報參修

壬申 十一年夏熱甚六月十三夜有星大如盆自東流過佛山光照

地其行有聲 據光緒縣志參脩

癸酉 十二年戴鴻慈領鄉薦第一 住福德舖

甲戌 十三年倡建育嬰堂於大基舖登雲橋外 詳慈善志

增脩得所亭

葉炳華潘衍桐等捐置詳慈善志

禁闖姓

據光緒縣志參脩

闖姓不知始自何時聞之故老山紫村機坊行中闖采以闖場中姓之多寡為輸贏故名闖姓亦京城食豚之意漸而設肆收票咸豐初軍需緊急招商承餉科場之弊由是而生及是給諫鄧承脩奏請禁革朝旨毅然從之賭商遁迹澳門葡萄牙因收其利粵中大吏以餉源所在不宜為淵毆魚奏請弛禁賭商得歸內地亦願加餉承充於是闖姓館編通省弊益不可究詰光緒乙酉學使葉大焯案臨惠州考歸善博羅賭徒集鉅資溝通內外以數稀姓過底將發榜庖人以巴豆湯進督學大瀉離位左右將卷抽換事發總督張之洞飭查有據盡將采銀充公不下百萬葉督學亦呈吏議故試差以廣東為優得試差者又以廣東為懼懼闖姓之為己累也各館以省佛為盛豆豉巷一街至有十餘家奢麗甲於他埠門前車馬幕後笙歌幾不知人間何世李斯述師言物忌太盛况其為賭場乎今科舉既停已成泡影又羣趨於番攤諸雜賭矣

案雜賭名目不一最新者莫如麻雀牌相傳製自宮庭即紙牌之變相紙牌刻畫梁山人馬近於誨亂士夫酷好之所謂葉子戲也有心計者以習俗相沿莫如因勢利導挽

佛山忠義鄉志卷十一

鄉事

七

之使正改新式添大牌七主牌一曰中發白中國發源長白山也曰東西南北自東自西自南自北無思不服也刻麻雀於一索之首本開國故事高祖避寧古塔之難躲伏山阿有麻雀止其上追者以為枯木遂止東華錄天賦所在故以名牌使日日習翫不忘本朝用意非不深遠此種賭具省佛最多麻雀方言亦精緻有用作匱具者官場樂此不疲若舍是別無所事豪者一擲百萬問其名義茫然不知所以作俑又奚為乎方正學深慮論天下之患每出於所備之外此類是也

乙亥光緒元年屋入月中

凡天象佛山同見則書數見不書灾異及佛山則書餘亦不書

子丙二年戴鴻慈登進士

築彩陽堂石路洗乃起等倡脩馬德熙有記

丁三年築廣德里石路區諫東等捐建

築蜺欄石路陳臨觀杜秀昭倡建

丁三年建復塔坡寺即經堂舊址賜號萬壽塔坡禪寺詳祠祀志及卷首圖說

戊寅四年三月初九日大雨竟日省河有龍氣起倒塌房屋覆溺船

隻傷斃人口無算佛山邊界亦有損傷據宣統縣志參脩

是日風雨交作已刻龍氣經西北將東趨有大拖罟泊海珠燃巨礮仰擊之垂垂欲墜乃折而北城南內外遂受其害自杉木欄外至順母橋倒塌房屋一千五百餘家凡龍氣所過蜿蜒有迹層樓石壁有掀至空際者沈溺船隻傷斃人口不可勝紀為非常之巨劫同治癸亥風災尤為慘劇佛山是日亦大雨傾盆雷電交馳洶震不絕故龍氣不能過僅拆船欄沿河一帶蓬寮被撤倒塌土屋多間而已

按天地之劫氣莫甚於水災風災亦必有物焉憑之以煽

佛山忠義鄉志卷十一 鄉事 六

其毒西北患蛟水而東南患龍氣粵海尤甚伐蛟之法備

於載籍陳氏五種遺規如法驗掘亦能消患未萌龍氣每挾風雨

而至雷震則止燃放巨礮亦能遏之乾隆中福安康督師

過雲南沿途燃礮瘴癘消滅大半迭奏五色雲見其明徵

也魏氏聖武記硝磺猛烈非妖龍毒蜃所能敵世說天上雷地

下礮其功用有如此云

辛巳七年創建佛山萬善堂見慈善志

英國醫士設西醫院於缸瓦欄見慈善志

壬午八年設直省電綫佛山亦設分局於缸瓦欄見建置志

癸未九年洗寶幹登進士住鶴園舖

黃金鉞登進士順德籍住福德舖

甲申十年法越構釁廣州戒嚴省憲委鎮紳駱天保募勇備調梁思

溥等副之事平撤防

十一月柵下文搭腳火藥局火斃百七十餘人

鎮人就其地建太乙廟以鎮之原為大魁堂地廟已毀敗民國癸亥改建屬壇前為太乙亭旁設石甃有木棉二大株足以避風雨蔭行路歸大魁堂管理

乙酉十一年石角圍決同時鎮安吉安圍亦決石角又名石閣與清遠石角圍不同

丙戌十二年區震登進士大富堡人住者老舖

戊子十四年重修南順通津石路七堡合力見慈善志

脩築城門頭石路何增慶等倡脩陳瀚有記譚彪書

己丑十五年重修新涌口大竇陳瀚有記圖說載卷首

己丑十五年重修佛山書院見教育志

己丑十五年周頌聲領鄉薦第一順德籍住岳廟舖

十月十三日酉刻地震十四夜半復震采訪冊

佛山忠義鄉志卷十一 鄉事 五

自是以後間歲地震或地氣上蒸如火烘不為灾故不具書

庚寅十六年吳尙廉登進士住觀音堂舖

壬辰十八年周頌聲登進士

四月鼠疫起自是頻年疫作至甲午尤甚疫證亦以是年冬止

五月海關掛銷號違例苛罰闔鎮罷市鎮紳戴鴻惠陳請監督出

示革除始復業事詳賦稅志關卡類

癸巳十九年梁冠澄領鄉薦第一順德籍住沙洛舖

甲午二十年石角圍決同時永安永新永洲石城圍亦決

重浚旗帶水規復故址與靈應祠渠道一律興工圖說詳卷首

丙申二十二年創建贊翼誠善堂於橋亭舖黃涌口見慈善志

創建務滋善堂於福德舖石巷慈善志

雞甍石即石雲山演戲颶風猝起棚倒壓傷多人采訪冊

戊二十四年莫御銜登進士住觀音堂舖

吳功溥登進士番禺籍住柵下舖

己二十五年廢八股旋復據宣統縣志

時德宗用主事康有為之策銳意變法擢譚嗣同林旭楊銳陳光第在軍機處行走參預新政諸多改革廢八股及武科未幾譚和園變生譚嗣同等獲罪新法悉廢端剛秉政黨派紛歧天下自此多故矣

革相剛毅來粵籌餉招商包釐每年四百萬兩宣統縣志

庚二十六年總督李鴻章奏番攤小關姓承餉宣統縣志

粵地賭風甲於他省名目尤多以番攤為最佛地攤館衙役所開者為官攤又有老師館同治縣志會痛切言之語在流寓傳及李鴻章至以粵人嗜賭官禁不敵其私開不如化私為公藉裨餉項遂奏准招商承辦於是賭館林立明目張膽無復顧忌矣厥後屢禁屢開皆以海防為藉口賭風遂不可絕

按煙賭兩宗為粵中大害或謂煙賭公開亦寓禁於征之法然我國既入萬國禁煙會且與英國立約在前由官專

佛山忠義鄉志卷十一 鄉事 二十

賣亦格不能行若賭館公開雖曰兩害相衡取其輕而飲

鳩止渴則固期期以為不可也

拳匪亂聯軍入京鑾輿西狩據清鑑輯覽參脩

頤和園之變德宗居於瀛臺太后立端王子溥儀為大阿哥端王與剛毅同秉國政信用義和團圍攻使館詔天下起民團不勝其擾時李鴻章督粵與江督劉坤一聯合沿海各省連章拒命通商口岸交涉如常東南獲安未幾聯軍入京太后被帝西奔長安逾年和議成始迴鑾賠款四萬五千萬革命軍亦緣是而起

停鄉試光緒縣志

紳辦房捐不果行旋改官辦房捐自此始

辛二十七年設郵政局建置志

時京師特立郵傳部行令各省一律舉辦佛山亦設局於汾流街後遷北勝街今在缸瓦欄定為二等郵局

復廢八股以策論取士廢武科鄉會試

冬大旱米價驟漲

建築廣三鐵路初名三佛鐵路見建置志

創建廣福醫院於富民舖貴縣街詳慈善志

寅二十八年廢綠營佛山各汛卡子口兵盡撤

卯二十九九年省佛河口火車鐵路成粵督岑春煊行開車禮

初鐵路督辦盛宣懷借美國款築路後由鄂湘粵三省贖回湘鄂官款歸國有粵商股官商合辦及是路成車利為中外冠

甲三十年在河南舉行會試談道隆登進士原名泉新會籍住石路舖

陳煜庠登進士花縣籍住黃傘舖

總督岑春煊禁番攤小閩姓

發紙幣
乙三十一年設佛山自治研究會於古洞為立憲預備建置志

廢鄉會歲科試

丙三十二年考試優拔貢及舉貢考職

佛山忠義鄉志卷十一 鄉事 三

警署開辦尿水捐眾鼓噪省憲委員查辦協同官紳解散之尿捐

亦停

時佛山初辦巡警以分府兼轄之奸商藉警費為名稟承尿水捐設局咸魚街附近農民及舖戶傭工咸有怨言擁眾至捐局

有數人被擊解分署眾益怒糾集於古洛社尿水馬頭警局亦有嚴陣以待之示幾釀大變巡檢陳徵文親往勸阻詣省稟由

大憲委派廣州協來禪查辦江紳孔殷亦到集團局議結取消尿捐在押諸人即日釋出眾遂散地方獲安

丁三十三年升孔子為大祀

總督岑春煊奏罷海關掛銷號稅鎮人備價領廠改設工藝局見建置志

設警務公所於同興街立正局於大基頭惜字社學

戊三十四年改佛山書院為學堂事詳教育志本條先寶翰有記

時學部咨行各省改書院為學堂我佛山書院亦如式改建立

高等小學前後十二年畢業五次其先有時濟求強兩學雖開辦不久實為嚆矢越二年真明舖設立高小兩學畢業四次事與佛山學堂同此外有道濟培根啟華貞廉四學各具規模年

限未滿亦得脩業文憑自治研究社捐置簡易識字學塾二間
能補學校之不逮其建自家族者有梁氏五全新志任氏時中
王氏敦信由一家捐建者有傅氏節芳高小校又分立義學十
一間畢業升學卓著成績李鳳勝義學簡氏竹嘴廠義學皆能
惠及鄉閭於是女學校相繼而起有汾儀樂育季華坤本權中
各校生徒以季華為多其教會學校若華英若英華國民若培
德若聖德若公理女學若怡和連若樹德凡十數校華英開辦
最久成材亦眾各校學科與學部現行條教大略相同英文算
術體育三科尤有實際蓋自佛山學堂成立以補官立之不逮
模範既樹景附雲從有女校則倫齊賴以相維有各國學校則
知識可以交換稽古同天未宜歧視但願已辦者從事擴充暫
停者力圖恢復庶魯城未下猶聞絃誦之聲孔壁不移永振金
絲之響豈惟一鄉之幸國家實嘉賴焉爰撮大要彙為一
編各學建設年代地址及其原委條列教育志不具述

設商務分會於豆豉巷

游僧贈醫巡警干涉鄉人聚眾毀局

並見宣統縣志

時有游僧以符水贈醫巡警恐其惑眾拘至署鄉人擁眾入柵
門被燬坊眾赴救旋解散縣拘僧提訊該僧惟宣佛號無一
遂驅之出境

已宣統元年考試優拔貢及舉貢考職

佛山忠義鄉志卷十一 鄉事

三

陳振先登進士

原籍新會 住沙洛舖

義倉司事張鏗華虧空鉅款鎮紳沈寶幹等稟准省憲咨革

鏗華 本身

職監追重訂經管章程通稟立案

詳慈善志 義倉本條

設救傷會

即紅十初在二洞後遷往星台公旋停 慈善志

開辦佛山商團

詳建置志 軍政類

庚二年盧公輔登進士

西隆堡人 住沙洛舖

庚二年設議事董事會

詳建置志 團局條

縣屬繁盛鎮五一佛山二九江三沙頭四官山五
大歷俱以是年七月議會成立 錄宣統縣志

設農務分會於塔坡禪寺

即經堂詳 實業志

辛亥三年梁資奎登進士

住石 路舖

潘敬登進士

百濬堡人 住柵下舖

辛亥三年四月初一土匪自樂從襲佛山官軍禦之於蜘蛛山督隊

官馬致中湖南人死之士匪退

時武昌兵變民軍起樂從土匪假其名號入佛山會省派軍隊四十名到防管帶官為馬致中駐紮蜘蛛山贊翼誠善堂時已申刻安營未竟而大隊至官軍開鎗拒敵斃其執旗隊長一人傷數人匪隊亦還鎗轟擊適中子彈箱登時焚炸馬致中殉焉官軍陣亡七人善堂被炸坍塌匪股亦退是役也微官軍抵禦全鎮不堪設想耳

毀酒捐局奸民乘機搶掠知縣王思章解散之都司黃士平撤任

自剛毅來粵籌餉招商包釐於是各行皆加釐捐有商人承充佛山酒捐設局於居仁里抽及小販遂鼓眾毀局都司黃士平不能制止奸民乘機搶掠布散流言妄指某人為股東搗毀多家直入商店搬取貨物越二日知事王思章帶隊至驅散之獲數人置之法都司黃士平撤任

按光緒中葉以後罷市毀局之案層見疊出一鄉如是一

國可知固由民氣囂張亦政紀不修所致季年復有鐵路

國有之舉民窮財盡兵由此起世變愈不忍言矣

九月民軍自省城入佛山守官逃防勇一連拒戰死湖南人民軍

佛山忠義鄉志卷十一 鄉事 三

遂入佛山

民軍大隊入境都司呂鎮鎧聞風先逃東莞地舊戲院駐有防勇一連管帶官太永寬亦逃民軍至防勇不肯繳械與之戰以眾寡不敵全隊死之

冬十有二月改國號曰中華民國凡三改國號曰滿洲以冬至後

十日為歲首行總統制責任內閣

清帝退位之佈告三則

朕欽奉隆裕皇太后懿旨前因民軍起事各省嚮應九夏沸騰生靈塗炭特命袁世凱遣員與民軍代表討論大局議開國會公決政體兩月以來尙無確當辦法南北睽隔彼此相持商輟於途士露於野徒以同體一日不決故民生一日不安今全國人民心理多傾向共和南中各省既倡議於前北方諸將亦主張於後人心所嚮天命可知予亦何忍因一姓之尊榮拂兆人之好惡是用外觀大勢內審輿情特率皇帝將統治權公諸全國定為共和立憲國體近慰海內厭亂望治之心遠協古聖天下為公之義袁世凱前經資政院選舉為總理大臣當此新舊代謝之際宜有南北統一之方即由袁世凱以全權組織臨時共和政府與民軍協商統一辦法總期人民安堵海宇又安仍以退處寬閑優游歲月長受國民之優禮親見邗治之告成豈

不懿歟欽此
朕欽奉隆裕皇太后懿旨前以大局危兆民困苦特飭內閣
與民軍商酌優待皇室各條件以期和平解決茲據復奏民軍
所開優待條件於宗廟陵寢永遠奉祀先皇陵制如舊妥修各
節均已一律擔承皇帝但卸政權不廢尊號並議定優待皇室
八條待遇皇族暨滿蒙回藏七條覽奏尚為周致特行
宣示皇族暨滿蒙回藏人等此後務當化除畛域其保治安重
觀世界之昇平胥享共和之幸福予實有厚望焉欽此 甲
於大清皇帝辭位之後優待之條件今因大清皇帝宣佈贊成
共和國體中華民國於大清皇帝辭位之後優待條件如左
第一款 大清皇帝辭位之後尊號仍存不廢中華民國以待
各外國君主之禮相待 第二款 大清皇帝辭位之後歲用
四百萬兩俟改鑄新幣後改為四百萬員此款由中華民國撥
用 第三款 大清皇帝辭位之後暫居宮禁日後移居頤和
園待衛人等照常留用 第四款 大清皇帝辭位之後宗廟陵
寢永遠奉祀由中華民國添設衛兵妥為保護 第五款 德宗
崇陵未完工程如制妥修其奉安典禮仍如舊制所有實用經
費均由中華民國支出 第六款 以前宮內所用各項執事人
員可照常留用惟以後不得再招闖人 第七款 大清皇帝辭
位之後其原有之私產由中華民國特別保護 第八款 原有
之禁衛軍歸中華民國陸軍部編制額數俸餉仍如其舊 乙
關於清皇族待遇之條件 一 清王公世爵概仍其舊 二 清
皇族對於中華民國國家之公權及私權與國民同等 三 清
皇族私產一體保護 四 清皇族免當兵之義務 丙 關於滿
佛山忠義鄉志卷十一 民國 鄉事 三

蒙同藏各族待遇之條件 今因滿蒙回藏各民族贊同共和
中華民國所有待遇者如左 一 與漢人平等 二 保護其原有
之私產 三 王公世爵概仍其舊 四 王公中有生計過艱者
設法代籌生計 五 先籌八旗生計於未籌定之前八旗兵弁
俸餉仍舊支放 六 從前營業居住等限制一律蠲除各州縣
聽其自由入籍 七 滿蒙回藏原有之宗教聽其自由信仰以
上條件列於正式公文由兩方代表照會各國駐北京公使轉
達各該政府欽此
朕欽奉隆裕皇太后懿旨自古之君天下者重在保全民命不忍
以養人者害人現將新定國體無非欲先弭大亂期保又安若
拂逆多數之民心重啟無窮之戰禍則大局決裂殘殺相尋勢
必演成種種慘痛將至九廟震驚兆民荼毒後禍何忍復言兩
害相形惟取其輕者正朝廷審時勸變痲痺吾民之苦衷凡爾
京外臣民務當善體此意為全局熟權利害勿得挾虛驕之意
氣逞偏激之空言致國與民兩受其禍著民政部步軍統領姜
桂題馮國璋等嚴密防範切開導俾皆曉然於朝廷應天順
人大公無私之意至國家設官分職以為民極內列閣府部院
外建督撫司道所以康保羣黎非為一人一家而設爾京外大
小各官均宜慨念時艱慎供職守應即責成各長官敦切誠勸
毋曠官守用副夙昔愛撫庶民之至意欽此
宣統三年十二月二十五日蓋用御寶內閣總理大臣袁世凱
署名國務大臣署名
壬 中華民國元年 自是年始悉照新曆紀年仍移南海縣治於佛

山舊都司署

政府以佛山為南海適中地會垣既有多官宰治不宜同城乃移縣署於都司署番禺縣亦移治芟塘司逾二年各回廣州舊治附設局所同

南海督學局附設於佛山學堂

盧公輔充主任時南海移治佛山故各局所多隨之及移回舊治其設在佛山者亦分別裁併

廢團局十六局亦廢

設保安局於三界通衢

時民軍入境未有統領紛向各堂局借餉索給供帳士商會議遵通令設保安局於三界通衢以便辦事一面稟請派專員統一各軍分別編遣地方獲安事平撤局詳建置志

復設鎮議會及董事會

八月遷第二初級審判廳於佛山分府署尋撤復回廣州

省設警察廳頒行警制於各區署

佛山忠義鄉志卷十一

鄉事

三五

佛山亦改局為區署設分局於北勝街一分署於鹹魚街二分署於舍人街

癸丑二年更立警察三分署於鷹嘴沙舊汛地

奉令解散鎮議會及董事會復團保局更名保衛團局

設教育會於田心書院

教育志

時師範所未立前設簡易科未能普及各塾師就學亦多不便乃召集塾師分期講習定名教育會稟准立案主其事者梁爾燊馮熙猷任榮欬黃紹機閻鎮私塾賴以保全其生徒數十至百人以上者所在多有及官立講習所畢業師資日出始行撤會國家不費一錢而人民普受教育於學務前途實有裨補

甲寅三年設電燈公司歸商承辦

見實業志

九月土匪分五路攻佛山濟軍統領李嘉品擊卻之

時有土匪聚於樂從墟分五路攻佛樂從一股先至通濟橋舊汎廠械被搶濟軍統領李嘉品分路迎擊率親兵當通濟橋一路誘賊入擒斬多名賊退各路股匪聞風亦退

乙卯四年築礮樓十一座

時龍濟光督粵調濟軍防守佛山鎮人以地方遼濶控制甚難乃募捐集資築砌樓十一座分遍於邊隘別詳輿地志吳荃選

乙卯 四年五月存院圍決水大至義倉開賑

存院圍為佛山保障五月間連決數口寬至二十餘丈水驟至鎮地被淹居民倉皇走避露宿街頭不堪言狀義倉即日碾米熬粥先辦急賑設栖流所多處又設救生船沿街拯溺一面赴省港辦米接濟市面旬餘水退以青黃不接復開倉按戶放賑十二日出穀五十七萬四千餘斤賑過大小丁十萬八千九百餘口商會善堂公同助賑各家供給粥飯餅餌贈醫藥發米票分途救濟亦復不少是歲田園樹畜損失甚鉅惟戶口無恙災民不至流離眾善長之力也據義倉簿記采訪冊別詳水利志

丙辰 五年設縣立第一師範講習所於佛山學堂

初鍾紳馬熙猷創辦簡易師範所又設單級師範所均以六個月畢業及是設縣立師範講習所聘戴鴻惠為所長一年畢業科學比前較為完備以為培養小學師資之所畢業三次成材數百人經費在附加花捐項下撥支其舊有公款改設國民學校二間并詳教育志

佛山忠義鄉志卷十一 鄉事 三

丁巳 六年清葬城門頭大庄遺櫬示在鄉禁門

李眾勝捐資稟官給示辦理另捐置義山二處

設農事試驗場於古洛社涌邊詳實業志

增設警察第四分駐所於舊五斗署

戊午 七年重修石角圍先瑛有記

增築存院圍尾竇地屬簡村堡跨基為竇於佛山亦有關係載水利志

重建佛山方便醫院見慈善志

開辦佛山商報在福祿大街兼理文業見實業志

己未 八年增設警察第五分駐所於鷹沙舊工藝廠管轄河面

開辦潔淨局

以花筵捐再附加稅充局費每月一百員餘撥修志局及團局經費初招商辦後歸巡警正署兼辦不敷之數酌派各戶捐助

庚申 九年重修南順石路

陳益南區靜濤南洋兄弟煙草公司合力重修 詳慈善志

六月十七颶風驟作靈應祠萬福臺前亭塌壓斃二人傷十餘人

是日諸紳方集大魁堂議事忽聞崩裂之聲戲臺前亭子全座塌倒急派工役扒救受傷十餘人送醫院調治皆痊愈歷斃二人給親屬領埋其風自山紫村二仙廟起有跡可尋詩所謂大風有隱是也或謂為龍氣之屬與光緒戊寅省城風災略同

辛酉十年九月罷師範講習所設縣立第三高等小學於佛山學堂

師範講習所係附加花捐項下撥給度支比高小學加倍歷年尙堪支持均有冊報存縣及校長戴鴻惠身故有黃德中者指稱戴校長任內數目不清控縣查究知事張國華調查歷年冊報收支相符不復置議以講習所既停改為官立高等小學仍設於佛山學堂祇設一班委任黃德中為校長經費仍以附加花捐酌半撥給以一半添辦乙等商業學校黃德中既得校長遂拆毀齋舍多間學生不復留堂寄宿經堂局紳士查悉情形由正區履勘繪圖呈縣在案書院舊有租項及大魁堂田心書院協撥各費專給國民兩校辦理經年用途各別查書院改建學堂始自光緒甲辰費用不貲徵信冊尙存係民捐民辦事關縣立第一乙種商業學校設協天勝里文昌宮

十二月設消防隊於三界廟以警察分所長兼轄之

佛山忠義鄉志卷十一 鄉事 三

土 十一年重脩忠義流芳祠 光緒甲午重脩及是又重脩大魁堂撥款協助

十一月二十九日肇慶防軍潰沿車路至佛山商團憑河堵禦潰軍不能入焚搶缸瓦欄而去

時嶺桂粵聯軍入粵防軍節節退避至三水河口晚八時乘火車八佛商團團長黃頌陶以鎮內與鐵路止隔一河急調各分團集中新開口擇要堵禦所有馬頭橫水渡及過海艇不准泊岸擊鎗抵禦潰軍不能渡河沿車站入缸瓦欄焚搶多家以德豐米機廠損失為鉅電報局亦被燬是役也鷹沙防軍先去本鎮游擊隊又不派隊赴援警察力弱不能制止劫後大火消防隊久不到場以至延燒擴大大佛屬火災以此為最由三區主任巡官葉傳仁與五區主任巡官戴會謀率隊彈壓請水龍到救火始漸熄旋又有散軍一羣失路到張公廟附近舖戶紛紛要求啟戶供食由戴巡官勸止煮粥以食之而後漸散至於佛山方面未被散軍騷擾全由商團畫河為守抵禦得力全鎮菁華賴以保全厥功不小自此人知商團之足恃各舖相繼起團聯合守衛人心益固矣

商團始末記 據該局冊報節錄如左

佛山商團成立於民國元年壬子歲團軍一百五十人總公所繼任團長遷總公所於西街賴家祠之偏廳十年辛酉黃頌陶為正團長陳鑄魂副之由頌陶倡捐鉅款建操場於石路育嬰

堂之側遷總公所於萬壽宮改組團軍由二分團增設至十二團自此團政一新人心愈固壬戌夏四月政變十九舖遊擊隊他調內地空虛張陶舉辦巡查隊一百名維持地方其編制以十二人為一班三班為一隊直接團長管轄不一月地方平靖商家請續辦餘項由鎮人捐發推廣團軍由百五十名至一千六百餘人商民咸嘉賴焉及是粵軍敗竄沿廣三鐵路入佛頌陶督率團軍憑河堵禦鎮內得保安全癸亥頌陶復被選繼任因兼任忠義鄉團局長不暇兼顧遂舉陳益南為商團長陳洛子王仲蕘為副團長商團遂告一段落云

商團駐紮地址

總商團在豆豉巷萬壽宮

第一分團在普君太上廟

第二分團在盤古廟

第三分團在大墟醫靈廟

第四分團在油行關帝廟

第五分團在布行會館

第六分團在豐寧國公廟

第七分團在文沙關帝廟

第八分團在舍人財神廟

第九分團在棚下天后廟

第十分團在南學觀音廟

第十一分團在福德天后廟

第十二分團在富民三界廟

佛山忠義鄉志卷十一

鄉事

三

民國

增廣商團推陳恭受為團長陳恪子王仲蕘副之黃頌陶專辦忠

義鄉團事

正副長會銜佈告一道

切維比年以來商人窘苦極矣天時人事之交迫幾於無可告言由是大眾一心咸知自衛商團增進額數至今將達二千念來軫之方適宜初基之勿壞恭受等忝承選舉為正副團長力辭不獲惟有謹率全體團軍並聯合附近各鄉商團上而發揚國家民治之精神下以保持商場固有秩序不放任不越權不自矜不自餒一本光明誠懇之態度以與邦人君子相周旋抑更言之商團者世界各國認為最名譽之義務軍人則我粵將來治安亦不出鄉團自保其鄉商團自保其市凡我團眾務須以固結一致為根本以沈毅兩字為功夫然後按部就班因應羣動庶幾執戈捍衛促進太平此則本團所當共勉而鎮中防達尤當匡其不逮者也區區寸衷披瀝謹告

按陳恭受等接辦商團在忠義鄉團成立之後惟事屬商

團故提前補敘以昭畫一

十二月立忠義鄉團

時盜賊盜起防軍不能兼顧在籍紳士江孔殷光宣間奏辦清鄉所部多健兒建議議官之衛民尤在民能自衛聯合七堡立鄉

團設總局於張槎書院以陳恭受爲局長何江爲團長於是各鄉相繼起團我佛山忠義鄉團亦以是年冬成立悉隸總團名蓮華佛山四十七鄉鎮聯團保衛局其辦法一團有警報總團派隊赴援鄰團就近接應總團開辦費及長年經費各視其鄉之大小以爲差佛山亦遵章繳納團內開辦費士商籌墊長年費略做租捐辦法分別舖戶按月加抽概歸民辦以撤防之日止仍推商團長黃頌陶兼充局長其辦事處暫附設大魁堂團丁擇要分紮與商團相輔而行似此眾志成城亦足以緝內奸禦外侮忠義鄉之名庶幾藉此益著

忠義鄉團冊報節錄如左

忠義鄉團成立於壬戌年十二月初由黃頌陶提倡與蓮華四十六鄉聯團提撥工藝廠存款萬餘兩爲開辦經費常年經費酌議全鎮加一抽租由商團巡查隊改組成立當選頌陶爲正局長葉蘭泉爲副局長購置鎗械由黃葉等在港籌捐定名爲忠義鄉團以捕匪安良爲主旨有事則聯合蓮華總團預備接應平時分佈要隘日夜梭巡團局初設大魁堂現設松桂里農官家廟

按七堡有蓮峯書院華遠濬亦屬佛山堡皆就其團份大者舉概立名現得四十七鄉鎮將來愈推愈廣當不止此數時至事起有不能不急圖自衛者以此備盜實足佐官

佛山忠義鄉志卷十一

鄉事

三五

力之不逮云

以上據采訪冊參修餘分見本志各門

右編年起明洪武三年庚戌迄中華民國十一年壬戌共五百五十二年

論曰一鄉之治亂一國之盛衰繫焉古者觀於鄉而知王道之易有由來也顧方其治也不過飲射讀法習爲常而已卽有興文興行之舉亦相與服疇食德涵煦焉而不自知迨夫治久亂生循流遡源感慨係之矣前志脩於國家承平之日故其文多雍容揄揚其自明洪武以迄清道光事閱兩朝大都夏造殷因無甚改革道光以後至咸豐甲寅紅匪之亂爲一大變幸而迅速蕩平旋復舊觀沿及光宣之際士大夫醉心歐美憤中華之窳敗激而效西法以圖強朝廷亦銳意維新不惜體變共和與民更始雖在鄉鎮

亦以自治特權畀之第念唐虞再禪方底同風成周三紀始言俗
革歷年未久其間是非得失或將與時變遷據事而書徐以俟後
賢之論定而已